



Broj: 04/5-05-1-906/18  
Sarajevo, 31. 5. 2018.

**PREDMET:** Informacija sa 64. proljetnog zasjedanja Parlamentarne skupštine NATO-a, održanog u Varšavi od 25. do 28. 5. 2018.

U radu 64. proljetnog zasjedanja Parlamentarne skupštine NATO-a, održanog u Varšavi od 25. 5. do 28. 5. 2018, učestvovao je Nikola Lovrinović, predsjedavajući Delegacije Parlamentarne skupštine BiH u PSNATO-a.

Rad proljetnog zasjedanja PSNATO-a odvijao se prema utvrđenom programu. Prije početka rada komiteta održani su sastanci političkih grupacija Konzervativaca i Kršćanskih demokrata, Alijanse liberala i demokrata i grupacije Socijalista. Na spomenutim sastancima razmijenjena su mišljenja o temama koje su predviđene za raspravu tokom proljetnog zasjedanja.

Predsjedavajući Lovrinović učestvovao je 26. maja 2018. godine u radu Političkog komiteta PSNATO-a, na kome je raspravljano o Nacrtu izvještaja Potkomiteta za partnerstvo PSNATO-a o temi: „Sigurnost na Zapadnom Balkanu“. Lovrinović se tokom svog izlaganja osvrnuo na pojedine dijelove ovog dokumenta, insistirajući da se do godišnjeg zasjedanja PSNATO-a u novembru 2018. godine još sadržajnije i s dodatnim podacima i ocjenama stanja dopuni Izvještaj i time učini korisnim i upotrebljivim za sve zemlje Zapadnog Balkana, a posebno za Bosnu i Hercegovinu. Kongresmenka Raynell Andreychuk (Kanada), izvjestiteljica PSNATO-a, prihvatila je takav pristup i potvrdila da će uvažiti konstruktivne prijedloge i uvrstiti ih u konačan tekst Izvještaja.

Drugog dana zasjedanja PSNATO-a, 27. maja 2018. godine, predsjedavajući Nikola Lovrinović učestvovao je u radu Komiteta za odbranu i sigurnost PSNATO-a gdje se raspravljalo o komentarima generalnog sekretara NATO-a, predsjednika Sjevernoatlantskog vijeća na preporuke u oblasti politike koje je Parlamentarna skupština NATO-a usvojila. Razgovaralo se o ulozi NATO-a u odgovoru na izazove s kojima se suočavaju saveznici, o stanju u Afganistanu, o stanju snaga NATO-a za specijalne operacije u savremenom sigurnosnom okruženju, o poziciji Evropske unije i njenoj budućnosti nakon Brexita te o energetskej politici Rusije u Istočnoj i Centralnoj Evropi. Učesnicima su se obratili ministar odbrane Republike Poljske i zamjenik načelnika Generlštaba Vojske Poljske. U svojim izlaganjima govorili su o aktuelnom stanju u sektoru odbrane Republike Poljske, o ciljevima koji su definirani na povećanju budžeta za odbranu u narednih 7 godina, o saradnji jedinica zemalja NATO-a smještenih u Poljskoj te o problemima koje izazivaju pojedini zvaničnici Ruske Federacije, kako bilateralno tako i u području Baltika.

Tokom plenarnog zasjedanja učesnicima Proljetnog zasjedanja obratili su se najviši dužnosnici Republike Poljske na čelu s predsjednikom Republike Andrzejem Dudom. Predsjednik PSNATO-a Paolo Alli i generalni sekretar NATO-a Jens Stoltenberg su se, također, obratili učesnicima plenarnog zasjedanja.

Generalni sekretar NATO-a Stoltenberg u svom izlaganju osvrnuo se na aktuelni trenutak današnjice. Informirao je članove PSNATO-a o pripremama NATO-a pred naredni samit u Briselu, koji će biti održan sredinom jula ove godine. Na pitanje Mire Kovača, člana delegacije Hrvatskog sabora u PSNATO-a, o tome šta se može očekivati za Bosnu i Hercegovinu tokom samita u Briselu, generalni sekretar Stoltenberg naglasio je da se od vlasti u Bosni i Hercegovini očekuje da nastave ispunjavati preduslove za aktiviranje Akcionog plana za članstvo – MAP, ali da članice NATO-a izuzetno cijene uspješnost pripadnika OSBiH tokom mirovnih misija sa savezničkim snagama, posebno u Afganistanu, te da je ovog puta BiH bliže rješenju.

Na plenarnom zasjedanju PSNATO-a usvojena je Deklaracija PSNATO-a broj 444 o potvrđivanju jedinstva i vjerodostojnosti NATO-a na predstojećem samitu u Briselu.

U Deklaraciji se, između ostalog, govori o: odvracanju, odbrani i dijalogu s Rusijom, projektovanju stabilnosti i borbi protiv terorizma, o saradnji između NATO-a i EU, o osavremenjavanju Saveza, o podjeli tereta te o politici “otvorenih vrata” gdje veoma jasno stoji „da se od zemalja NATO-a očekuje da pomognu Bosni i Hercegovini u stvaranju uslova za aktiviranje svog prvog Akcionog plana za članstvo bez daljnjih odgađanja“.

Tokom zasjedanja PSNATO-a u Varšavi predsjedavajući Lovrinović imao je radne susrete s delegacijama Crne Gore i Srbije u PSNATO-a.

Predsjedavajući Lovrinović posjetio je Ambasadu Bosne i Hercegovine u Varšavi gdje ga je Ivica Pranjić, otpravnik poslova u Ambasadi BiH, informirao o aktivnostima osoblja Ambasade BiH te o bilateralnoj saradnji dvije zemlje.

PREDSJEDAVAJUĆI DELEGACIJE  
Nikola Lovrinović